

**IL MASTER**

# Un cors par formâ tancj gnûfs mestris

**A**i 3 di Avril, in occasiun de Fieste de Patrie dal Friûl, la Universitat dal Friûl e presentarà, aes 11 in palaç Antonini, il prin Master universitari di II nivel Insegnâ in lenghe furlane par insegnants e educadôrs che a lavorin tes scuelis de infanzie, primarie e secondarie.

L'Ateneu furlan al promôf, in gracie dal sostegn economic de ARLeF, chest cors che al tacarà ae fin di Avril e al laraò indevant fin al mês di Dicembar dal 2009.

Une impuantante novitât paî insegnants che a viodaran certificâ il lôr percors di 21 mês tra lezions frontâls e di laboratoris.

Il gnûf Master al intint duncje furnî ai insegnants une schirie di cognossincis culturâls, scientifichis, linguistichis, didatichis e di competencis operativis di fonde, par doprâ la lenghe furlane in forme veicolâr tal davuelziment des attivitàs e des dissiplinis previodudis dai curricula scolastics e par disvilupâ une salde competence plurilengâl e pluriculturâl tai arlêfs.

Il profil professional che si larà a definî al è chel di un mestri bon di planificâ e davuelzi l'insegnament de lenghe furlane integrant il disvilup de competen-

ce linguistiche cu la maturazion di cognossincis dissiplinârs, di capacitâts operativis e di une efetive competence plurilengâl e pluriculturâl.

Lis domandis a varan di rivâ dentri dai 7 di Avril ae Ripartizion Didatiche, Sezion Servizis ai Students e ai Laureâts, in vie Mantica 3 a Udin.

Par altris informazions i interessâts a puedin contatâ la Ripartizion Didatiche dal Ateneu o consultâ il Manifest dai Studis ae direzion: [\(p.d.a.\)](http://www.uniud.it/didattica/post_laurea/master/secondo)